

## На Велицей вечерни

стихологисуем, Блажен муж: 1-й антифон.

На Господи воззвах, стихиры на 8. Глас 6: самогласны. [Сергия патриарха:]

1. Стих: Из глубины воззвах к Тебе, Господи,/ Господи, услыши глас мой.

Днесь иже на разумных престолах почиваяй Бог,/ престол свят на земли Себе предуготова,/ утвердивый мудростию небеса,/ небо одушевленное человеколюбием содела:/ от неплоднаго бо корене/ сад живоносен израсти нам Матерь Свою,/ Иже чудес Бог и ненадеющихся надежда, // Господи слава Тебе. [Единожды]

2. Стих: Да будут уши Твои/ внимлюще гласу моления моего.

Сей день Господень, радуйтеся людие:/ се бо света чертог/ и книга слова животнаго из утробы произыде,/ и яже к востоком дверь рождшися,/ ожидает входа Святителя Великаго,/ Едина и Единаго вводящи Христа во вселенную, // во спасение душ наших. [Единожды]

3. Стих: Аще беззакония назриши, Господи, Господи, кто постоит;/ яко у Тебе очищение есть.

4. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Аще и божественным хотением/ светлыя неплодны жены прозябоша,/ но всех Мариа рожденных боголепно превозсия:/ яко от неплодныя преславно рождшися матери,/ породила плотию всех Бога,/ паче естества от безсеменных утробы,/ едина дверь Единороднаго Сына Божия:/ юже прошед заключену сохрани,/ и вся мудре устроив, яко весть Сам, // всем человеком спасение содела. [Дважды]

5. Стих: От стражи утренния до нощи, от стражи утренния,/ да уповае Израиль на Господа.

6. Стих: Яко у Господа милость и многое у Него избавление:/ и Той избавит Израиля от всех беззаконий его.

Стефана Святоградца: Днесь неплодная врата отверзаются,/ и дверь девическая Божественная предгрядет./ Днесь плод раждати благодать начинает,/ являючи миру Божию Матерь:/ Еюже земная с небесными совокупаются, // во спасение душ наших. [Дважды]

**7. Стих:** Хвалите господа вси языцы,/ похвалите его вси людие.

Днесь всемирныя радости провозвѣщение,/ днесь возвеша ветри, спасения провозвѣстницы:/ естества нашего разрешается непло́дство,/ неплоды бо мати показу́ется,/ девствующия и по рождестве Зиждителеве./ Из Неяже чуждее присвоает Иже естество́м Бог,/ и заблуждшим плотию спасение содевает, Христос Человеколю́бец, // и Изба́витель ду́ш наших. **[Единожды]**

**8. Стих:** Яко утвердися милость Его на нас,/ и истина Господня пребывает во век.

Днесь неплодная Анна раждает Богоотрокови́цу,/ от всех родов избранную/ в жилище всех Царя и Зиждителя Христа Бо́га,/ во исполнение божественнаго смотрѣния,/ имже наздахомся земноро́днии, // и обновихомся от тли к жи́зни неконѣчной. **[Единожды]**

**Слава, и ныне, глас 6:**

Днесь иже на разумных престолах почива́й Бог,/ престол свят на земли Себе предугото́ва,/ утвердивый му́дростию небеса́,/ небо одушевленное человеколюбием соде́ла:/ от неплоднаго бо ко́рене/ сад живоносен израсти нам Ма́терь Свою́,/ Иже чудес Бог и ненадеющихся наде́жда, // Го́споди сла́ва Тебе́.

**Вход. Прокимен дне. Бытия чтение. [Глава 28.] Пророчества Иезекиилева чтение. [Главы 43 и 44.] Притчей чтение. [Глава 9.]**

## На литии

### стихиры, глас 1, самогласны. [Стефана Святоградца:]

**Н**ачало нашего спасения людие, днесь бысть:/ се бо пронареченная от родов древних, Мати и Дѣва,/ и приятелище Божие, от неплодове родитися происхóдит,/ цвет от Иессеа, и от кóрене его жѣзл прозябѣ./ Да радуется Адам праотец,/ и Ева да веселится радостию:/ сѣ бо созданная от ребра Адамова,/ Дщерь и Внуку блажит ѧвственне./ Родися бо мне, рече, избавлѣние,/ егоже ради от уз адовых свободюся./ Да радуется Давид бия в гусли,/ и да благословит Бóга:/ сѣ бо Дева происходит от утробы неплодныя, // ко спасению дýш наших.

### Глас 2:

**П**риидите любодѣвственнии всї,/ и чистоты рачителие, приидите,/ подымите любовию дѣвства похвалу,/ от камене твердаго текущий источник жїзни,/ и от безчадствующия купину невещественнаго огня, // очищающаго и просвещающаго души наша.

### Глас тойже. [Анатолия патриарха:]

**Ч**то шум празднующих бывает? Иоаким и Анна торжествуют тайно, радуйтеся с нами, глаголюще, Адаме и Ево днесь: яко имже древле преступлением затвориша рай, плод благославен нам дадеся, Богоотроковица Мариа, отверзаючи его всем вход.

**П**ронареченная всех Царица, Божие обителище, от неплодныя днесь утробы пройде, Анны славныя, присносущнаго существа божественное пребывалище: Еюже безстудный ад попрося, и всеродная Ева в твердую жизнь вводится. Той достойно возопиим: блаженна Ты в женах, и Плод чрева Твоего благословен.

### Слава, и ныне, глас 8. [Сергия патриарха:]

**В** благознаменитый день праздника нашего,/ вострубим духовною цевницею:/ яже бо от сѣмене Давїдова/ днесь раждается Мати Животá,/ тмý разрешаючи,/ Адамово обновление, и Евино воззв́ание,/ и нетлѣния источник, тли пременѣние:/ Еяже ради мы обожїхомся,/ и от смерти избáвлени бы́хом,/ и возопи́м Той с Гавриилом вѣрнии:/ радуйся Благодатная, Господь с Тобóю, // Тебе ради даруя нам велию мїлость.

## **На стиховне** **стихиры, глас 4, самогласны. [Германа патриарха:]**

**В**семирная радость от праведных возсия нам, / от Иоакима и Анны всепетая Дева, / яже премногия ради чистоты / храм Божий одушевленный бывает: / и едина воистинну Богородица познавается. / Тоя молитвами / Христе Боже, мир миру низпосли, // и душам нашим велию милость.

**Стих:** Слыши Дщи и виждь, / и приклони ухо Твое.

**А**нгеловым проречением, плод пречист от Иоакима и Анны праведников днесь произыде Дева, небо и престол Божий, и приятелище чистоты, радость провозвещающи всему миру, живота нашего Ходатаица, клятвы отъятие, благословения подание. Тем в рождестве Твоем, Дево Богозванная, миру мир испроси, и душам нашим велию милость.

**Стих:** Лицу Твоему помолятся / богатии людстии.

**Н**еплоды безчадная Анна, днесь руками да восплещет светло: да светлоносят земная, царие да играют, святителие во благословениих да веселятся, да празднует весь мир. Се бо Царица, и непорочная Невеста Отча, от корене Иессеева прозябе. Ктому жены в печалех не родят чад: радость бо процвете, и живот всем человеком в мире жительствует. И ктому дары Иоакимовы не возвращаются: рыдание бо Анны в радость преложиися, срадуйтесь мне, глаголющи, весь избранный Израиль: се бо даде ми Господь одушевленную палату Божественныя славы Его, во общее веселие и радость, и спасение душ наших.

## **Слава, и ныне, глас 8. [Сергия патриарха:]**

**П**риидите вси вернии, / к Деве тецем: се бо раждается / Яже прежде чрева предвиденная / Бóга нашего Мати, дéвства сосúд, / Аарóнов прозябший жезл от корене Иессеева, / прорóческое проповéдание, / и прáведных Иоакима и Анны прозябéние. / Раждается убо, и мир с Нею обновляется: / раждается, и Церковь во свое благолéпие украшается, / храм святыи Божества приятелище, / дéвственный сосуд, цáрский чертóг, / в немже преславное неизречéннаго соединéния, / сошédшихся во Христе естеств, совершенное содеяся таинство. / Емúже поклоняющеса, // воспеваем Девы всенепорóчныя рождество.

## **На благословении хлебов, Тропарь, глас 4:**

**Р**ождество Твое Богородице Дéво, / рáдость возвести всей вселéнной: / из Тебе бо возсия солнце правды Христос Бóг наш, / и разрушив клятву, даде благословéние, // и упразднив смерть, дарова нам живот вечный. **[Трижды.]**